



古今諺

明成都楊慎升菴纂

樂亭後學史夢蘭補註

泰誓引古人有言牝雞無晨大雅云人亦有言惟憂用老並

上古遺諺詩書所引者也至於陳琳諫辭掩目捕雀潘岳哀

辭稱掌珠伉儷竝引俗說而為文辭也夫文辭鄙俚莫過於

諺而聖賢詩書采以為談沉踰此者可忽乎哉爾案此全錄

雕龍書記篇之文也其上文云諺者直語也喪言亦不及文

故甲亦稱諺塵路淺言有實無華鄒穆公云囊滿儲中皆其

也類
諺諺暗同

論語云由也諺諺俗論也或作嘒見文選注又作暗劉勰曰

古今諺

一

諺諺暗同一字諺者直語也塵路淺言有實無華喪言不文

故弔亦稱暗劉子新論子游褻裘而諺曾子指揮而哂是諺

與暗同也

諺語有文理

諺語云三九二十七籬頭吹觶栗言冬至後寒風吹籬落有

聲如觶栗也合於莊子萬竅怒號之說而可以為鬪風一之

日觶發之解矣賈人之鐸可以錯黃鐘田夫之諺而契周公

之詩信乎六律之音出於天籟五性之文發於天章有不待

思索勉強者此非自然之詩乎余嘗戲集諺語為古人詩詞

中所引者數條今附於此○月如彎弓少雨多風月如仰瓦

不求自下羅景綸詩用之朝霞不出市暮霞走千里范石湖

詩用之乾星照濕土來日依舊兩王建詩用之照泥星出依然黑爛漫庭

花不礙車雲東坡詩用之今日江頭風勢惡風花雲起下散

四野如煙霧也晁無咎詩用之明日揚帆應復駛日沒胭脂

紅無雨也有風梅聖俞詩用之日脚射空金縷直西望千山

日望此重雲黑○爾案原本以上來註之萬山赤野老先知雨有風明

詩所謂朝濟於西崇朝其雨也霜松打雪松貧兒備飯甕則

東坡詩所謂敢怨行役勞助爾歌飯甕也日暈主雨月暈主

風則梅聖俞所謂月暈每多風燈花先作喜明日掛歸帆春

湖能幾里也天河中有黑雲謂之黑猪渡河主雨則蕭冰崖

古今諺

所謂黑猪渡河天不風蒼龍銜燭不敢紅也秋甲子雨禾頭

生耳則杜工部所謂禾頭生耳禾穗黑也他如雨灑上元燈

雲掩中秋月又黃梅寒井底乾又云河射角好夜作犁星沒

水生骨又云春寒四十五貧兒市上舞貧兒且莫誇且過桐

子花又云黃梅雨未過冬青花未破冬青花已開黃梅雨又

來又云船牌風雲起旱魃深歡喜又云商陸子熟杜鵑不哭

皆爲唐宋詩人引用若陸機詩疏引諺云黃栗留看我麥黃

堪黑否詩疏引蜻蛚鳴衣裘成蟋蟀鳴嬾婦驚夏小正註引

天河東西漿洗寒衣國語注引古語上長昌檄陳根可拔耕

者急發四民月令引農諺三月昏參星夕杏葉盛桑葉白又

云杏子開花可耕白沙又貸我東藩償我白粳先儒皆以解經不但詩詞之資而已詩詢芻蕘舜察邇言良有以哉

賈子引黃帝語

日中不彗是謂失時操刀不割失利之期執斧不伐賊人將來涓涓不塞將為江河熒熒不救炎炎奈何兩葉不去將用斧柯為虺弗摧行將為蛇賈子書所引止首四句餘見太公兵法蓋即漢藝文志黃帝巾機銘孔甲盤孟書也銘云無掘壑而附邱無舍本而治末日中必彗操刀必割執斧必伐日中不彗是謂失時操刀不割是謂失利執斧不伐賊人將來涓涓不塞將為江河熒熒不救炎炎奈何兩葉不去將用斧柯此銘漢以下文士多引用之而不見其全惟見於兵書如此

太公兵法引黃帝語

古今諺

三

余居民上搖搖恐夕不至朝慄慄恐朝不及夕兢兢業業日慎一日人莫躓於山而躓於垤

韓非子引先聖諺

人莫躓於山而躓於垤韓非子引此云先聖有諺可證巾機之銘出於黃帝無疑矣

韓非子引先聖言

規有摩而水有波我欲更之無奈之何此云先聖言而句有韻疑亦巾機銘之類也

孟子引夏諺

吾王不遊吾何以休吾王不豫吾何以助劉熙曰春行曰遊秋行曰豫左傳季氏有嘉樹韓宣子譽之服虔曰譽與豫同游於樹下也唐宋之間詩春豫臨池近○本作春豫靈池冥

曾子引諺

人莫知其子之惡莫知其苗之碩

左傳羽父引周諺隱十一年

山有木工則度之賓有禮主則擇之

虞叔引周諺

匹夫無罪懷璧其罪

士為引諺閔元年

心苟無瑕何恤乎無家

宮之奇引諺

輔車相依唇亡齒寒輔頰也車牙車又曰領車牙下骨之名也輔為外表車為內骨

古今諺

四

鄭諺僖七年○鄭大夫孔叔言於鄭伯

心則不兢何憚於病言心既不能自強何畏難於卑弱之病即齊景公所云既不能令又不受命也

左傳既不能強又不能弱

宋諺文公二年

庇焉而縱尋斧焉八尺曰尋所以量木也借木之庇而縱放尋以量之斧以伐之

鄭子產引古言文十七年○正義曰古人有言非謂前代之人有此言也據今時而道前世

畏首畏尾身其餘幾鹿死不擇音音讀作休陰之陰

晉伯宗引古言宣十五年

雖鞭之長不及馬腹

伯宗引諺

高下在心川澤含汚山藪藏疾瑾瑜瑕國君含垢漢書亦引此諺
無高下在心一句

羊舌職引諺宣十六年

民之多幸國之不幸也

韓厥引古言成十七年

殺老牛莫之敢尸

荀息引人有言曰昭七年

挈瓶之智守不假器

子產引古言昭七年

其父析薪其子弗克負荷

古今諺

子服惠伯引諺昭十三年

臣一主二

子產引諺昭十九年

無過亂門爾案此本左傳周語作無過亂人之門

楚令尹子瑕引諺昭十二年

室於怒市於色戰國策怒於室者色於市

宋對楚遠越昭二十二年

唯亂門之無過

子太叔引人亦有言昭二十四年

後不恤其緯而憂宗周之隕為將及焉

魏子引諺 昭二十九年

唯食忘憂 國語作唯食
可以忘憂

周太子晉引人有言 國語

無過亂人之門 亂人狂悖怨亂之人
無過其門于其怒也 佐離者嘗焉佐鬪者

傷焉 俗言助祭得
食助鬪得傷 禍不好不能為禍 財色之禍
生於好之

單穆公引諺

眾心成城眾口鑠金

衛彪奚引諺

從善如登從惡如崩

單襄公引諺

古今諺

獸惡其網民惡其上

鄭叔詹引諺

黍稷無成不能為榮黍不為黍不能蕃廡稷不為稷不能蕃

殖所生不疑惟德之基

越諸稽郢引諺

狐埋之而狐搢之是以無成功

越王引諺 注諺俗之
善語也

飢飯不及壺飧 盛饌未具不如壺
飧之救饑疾也

列子楊朱篇引古語

生相憐死相捐

又引古語

人不婚宦情欲失半人不衣食君臣道息

又引周諺

田父可坐殺爾審田父晨出夜入自以性之恆毀菽茹藿自謂味之極一朝處以軟毛綿薦以梁肉蘭味心

瘡體煩內熱生病矣

荀子引民語

欲富乎忍恥矣爾審二句下尚有傾絕矣絕故舊矣與義分命而求也分背背矣三句注忍恥不顧廉恥傾絕謂傾身絕

命而求也分背如人分背而行

荀子引古言

衣與繆與不女聊子道篇與歟通言雖衣服我綢繆我而不敬不順則不聊汝也

古今諺

七

戰國策引語

騏驥之衰也駑馬先之孟賁之倦也女子勝之爾審倦本作劬

楚策莊辛諺注傳言曰諺

見君之乘下之見杖起之

楚策莊辛引鄙語

見兔而顧犬未為晚也亡羊而補牢未為遲也牢一作籬古音同

荀卿謝春申君書引諺

癘人憐王韓非子厲憐王此不恭之語也雖然古無虛諺不可不審察也

孟嘗君引鄙語

借車者馳之借衣者披之

鬼谷子引古語

女愛不做席男歡不盡輪戰國策寵女不做席寵臣不做軒

齊語七略

天口駢談天衍雕龍奭炙穀輟髟史記無天口駢三字駢指田駢也

蘇秦說楚一作張儀

削株握根無與禍鄰禍乃不存

蘇秦說韓引鄙語

甯為雞口無為牛後爾案此本史記蘇秦傳戰國策作甯為雞尸不為牛從注尸雞中主也從謂牛

也子

韓策張儀引諺

古今諺

八

貴其所以貴者貴所以貴人所同貴

韓策周最引語

怒於室者色於市

燕王謝樂閒書引諺

厚者不毀人以自益也仁者不危人以要名也爾案劉向新序引作厚者

不損人以自益仁者不危軀以要名

孟子引齊人言

雖有智慧不如乘勢雖有鎡基不如待時賈逵曰基耨也耨六寸所以間稼

周諺說苑鄒穆公引周諺云

囊漏貯中今諺則云船裏不漏針也○爾案行一作儲

管子諷桓公

不行其野不違其馬

言馬所以行野雖不行野亦不可不調習也

牆有耳伏寇

在側

牆有耳者微謀外泄古有二言

鷓冠子

中流失船一壺千金

船音循釋名船循也循水而行也

師春引古語

谷小不勝柯

牟子引古諺

少所見多所怪見囊駝言馬腫背

趙武靈王引

古今諺

九

以書爲御者不盡馬之情以古制今者不達事之變

祁奚引

擇君莫若臣擇子莫若父

管子亦引云知臣莫若君知子莫若父

列子

爭魚者濡逐獸者趨

呂覽救溺者濡救奔者趨

申叔時引

牽牛以蹊人之田而奪之牛牽牛以蹊者信有罪矣而奪之

牛罰已重矣

趙文子引古諺

善人在患弗救不祥臨人在位弗去亦不祥

河射角堪夜作犁星沒水生骨

麻黃種麥麥黃種麻夏至後不沒狗言種麻貴但雨多沒藁

駝五月及澤父子不相借並言麻候

子欲富黃金覆謂秋後種麥也柴壅麥根也

羸牛劣馬寒食下蘭案此言其乏食瘠瘦春中必死

智如禹湯不如常耕

鋤頭三寸澤言耕之益也子欲富黃金覆言耔之益也

富何卒耕水窟貧何卒耕水窟

耕而不勞不如作暴蘭案農書勞即到切無齒耜也但耜柄之間用條木編之以摩田也一名蓋

古今諺

雲行東車馬通雲行西馬濺泥雲行南水漲潭雲行北好曬

麥

未雨先雷船去步歸蘭案歸一作來

鴉浴風鵲浴雨

春甲子雨乘船入市夏甲子雨赤地千里秋甲子雨禾頭生

耳冬甲子雨飛雪千里蘭案朝野僉載引此作春雨甲子赤地千里夏雨甲子乘船入市又飛雪

千里一作牛羊凍死

上火不落下火滴沼言丙子日也沼音奪

稻秀雨燒麥秀風搖

雨打梅頭無水飲牛

船牌風雲起旱魃深歡喜

易緯引古語

一夫兩心拔刺不深 墮馬破車惡婦破家

詩疏引齊諺

上山斫檀椽楹先殫 椽音遂楹音令 檀與二木相似 斫檀不諦得槩迷槩

迷尙可得駮馬 駮馬亦木名馬音如塗抹 之抹檀與二木又相似

富辰引諺

兄弟讒鬪侮人百里

春秋緯引古語

叶珠於澤誰能不合 月麗於畢雨滂沱月麗於箕風揚沙

古今諺

詩疏引上黨人調 蘭案詩榛楛濟濟疏楛木名 上黨人屈以為釵故調云云

問婦人欲買楮不謂竈下有黄土欲買釵不謂山中自有楛

河圖引蜀諺

汝阜之山江出其腹帝以會昌神以建福

三秦記民謠

武功太白去天三百孤雲兩角去天一握山水險阻黃金子

午蛇盤島樞勢與天通

詩疏引齊語

疲馬不渡澗水 澗水之流迅急

列女傳引古語

食石食金鹽可以支長久食石食玉鼓可以得長壽金鹽五玉鼓地榆也

秦嘒

虞喜志林秦穆公夢之天帝所奏鈞天廣樂賜以金策祚世之業當時有嘒曰〇嘒諺同

天帝醉秦暴金誤隕石墜

張衡西京賦昔者天帝悅秦穆公而觀之享以鈞天廣樂帝有醉焉

乃為金策錫用此土而翦諸鵠首即此語也李義山詩自是當時天帝醉不關秦地有山河

泗上諺

水經注周顯王四十二年九鼎淪沒泗淵秦始皇時見於泗水始皇大喜使數千人入水求之

絲而未出龍嘴斷其絲故泗上為之諺曰

稱樂太早絕鼎絲

臯魚引語

爾案此本孔子家語

枯魚銜索幾何不蠹

索音素古索素同音中庸索隱即素隱也

古今諺

三

魯仲連引古語

百足之蟲三斷不蹶

墨子亦引此百足作馮功馮功蟲名蹶一作僵

馮功之蟲三

斷不僵

爾案墨子引此作馮功之蟲至死不僵僵讀翰躬之躬

劉向別錄引古語

層亾而齒寒河水崩其壞在山

鄒子引古語

截趾適屨孰云其愚何與斯人追欲喪軀

蘇秦謂秦王

爾案此本戰國策秦伐趙蘇子引語云云物事也斷猶止言戰事不止

戰勝而國危者物不斷也身大而權輕者地不入也

韓非引諺

奔車之上無仲尼覆車之下無伯夷傳

文選注引古諺

越阡度陌互為主客

韓非引諺韓非子先王聽諺言於市

為政猶沐也雖有棄髮必為之淮南子聖人用兵如擇髮耨苗棄少而存多

韓非引諺

巫咸雖善祝不能自祓也秦越雖善醫不能自治也蘭案秦越二語

今本韓非子作秦醫雖善除不能自彈也

韓非引諺

莫眾而迷又曰莫三人而迷

古今諺

吉

韓非引鄙諺

長袖善舞多錢善買言多資之易為工也

列女傳引諺

力田不如遇豐年力桑不如見國卿刺繡文不如倚市門蘭案

更記貨殖傳引作農不如工工不如商刺繡文不如倚市門

尉繚子引諺

千金不死百金不刑史記千金之子不死於市

劉子引古諺蘭案劉晔字孔昭

深不絕涓泉稚子浴其淵高不絕邱陵跛羊遊其顛

莊子引野語

聞道百以爲莫已若

莊子引古語

美成在久惡成不及改改韻補音以

賈子引鄙諺爾案以下二條俱本漢書賈誼傳

不習爲吏視已成事爾案大戴禮云不習爲吏爲視已事

又引里諺

欲投鼠而忌器

鄒陽引古語爾案史記漢書白頭上俱有一有字史記注言內有以相知與否不在新故也

白頭如新傾蓋如故又選注引作白頭而新傾蓋而故意尤明白

武帝策問引古語爾案此本漢書董仲舒傳琢謂琢刻爲文也

古今諺

良玉不琢

中山王引爾案此本漢書

社鷺不灌屋鼠不薰韓詩外傳作稷蜂不薰

公孫宏引古語爾案此本漢書

揉曲木者不累日銷金石者不累月

司馬相如引鄙諺爾案此本漢書累原作桑史記千金下有者字

家累千金坐不垂堂

袁盎傳引爾案史記作坐不垂堂注如淳曰騎倚也衡樓殿邊欄楯也韋昭曰衡車衡

千金之子不垂堂百金之子不騎衡

越椒子文引爾案此本左傳

狼子野心

東方朔引古語

爾案漢書管窺原作莞闕

水至清則無魚人至察則無徒

列子察見淵魚者不祥智料隱惡者有殃後漢書水清無

大魚

以管窺天以蠡測海以筵撞鐘

史記以管窺天以隙視文

韓安國傳引古語

爾案漢書作力不能入魯縞注縞素也曲阜之地尤為輕細故以取喻也

衝風之衰不能起毛羽強弩之末不能穿魯縞

漢書

強弩之

末不能穿魯縞衝風之末不能起鴻毛

史記

路溫舒引俗語

爾案此本漢書

畫地為獄議不入刻木為吏期不對

爾案說苑引此本字下俱有可字

劉輔引里語

爾案此本漢書

古今諺

五

腐木不可以為柱卑人不可以為主

王嘉引里諺

爾案此本漢書

千人所指無病而死

馮衍說廉丹

後漢書

人所歌舞天必從之

古語人所歌舞天必從之入所唱嘯神必凶之

李固引語

周舉傳○爾案後漢書此本黃瓊傳非周舉傳蓋以二傳相連而誤

曉曉者易缺皦皦者易污陽春之曲和者必寡盛名之下其

實難副

李業傳

爾案後漢書獨行傳此太守劉成怒業語非諺也

設弩射市薄命先死

鮑永傳蘭案後漢書作幾事不密禍倚人門乃太守苟諫戒永語非諺也

機事不密禍倚人壁

王符引諺

一歲數赦好兒嗜啞蘭案今本潛夫論作一歲載赦奴兒嗜啞雀寔政論作一歲再赦奴兒嗜啞

桓譚引諺

人之相去如九牛毛蘭案此本晉書華譚傳原作桓譚諛二人同術誰昭誰

冥二虎同穴誰死誰生本逸周書○蘭案此周祝解中語非諺也與桓譚華譚俱無涉當是誤入

韓嬰詩傳引古語

昨日何生今日何成必念歸厚必念治生日慎一日完加金

城

古今諺

去

虞卿贊引鄙諺蘭案此本史記

利令智昏

黃歇傳引語蘭案此本史記春申君傳贊

當斷不斷反受其亂

韓信傳蘭案上條本史記淮陰侯傳走作良飛作高下條本漢書蒯通傳原俱作史記韓信傳誤

狡兔死走狗烹飛鳥六韜作高鳥盡良弓藏敵國破謀臣亡野

禽殫走犬烹敵國破謀臣亡史記

晁錯傳語蘭案史記傳贊易常作亂常

變古易常不死則亡

韓安國傳引語蘭案漢書無兩其字注師古謂其國變不可必保也

雖有親父安知其不爲虎雖有親兄安知其不爲狼

李廣傳引諺

蘭案此本史記傳贊

桃李不言下自成蹊

郭解贊引諺

蘭案此本史記游俠傳贊

人貌榮名豈有既乎

貨殖傳引諺

蘭案此本史記

千金之子不死於市

史記趙世家引古諺

蘭案原本以下共引三條因與前後複從刪

死者復生生者不愧

后妃傳引諺

古今諺

美女入市惡女之仇

蘭案市一作室

王陵傳引諺

蘭案漢書作鄙語

兒婦人口不可用

王夫人傳

蘭案漢書王夫人傳無此文不知升菴何本說苑說叢簾麻中作梟中在泥作入泥

蓬生麻中不扶自直白沙在泥與之皆黑

曾子書作諺日泥一作涅

衛鞅傳

蘭案此本史記

千羊之皮不如一狐之腋千人之諾諾不如一士之謬謬

張儀傳

蘭案此本史記

積羽沉舟羣輕折軸眾口鑠金積毀銷骨

中山王傳臣聞眾口鑠金積毀銷骨

羣輕折軸羽翻飛肉

蘭案漢書羣輕作業

甘茂傳爾案史記此韓公仲使蘇代謂向壽之言

禽田覆車

王翦傳引鄙語爾案此本史記王翦傳贊

尺有所短寸有所長

諺

慈不掌兵義不主財君子曰惟慈掌兵惟義主財論語曰仁者必有勇非慈何以掌兵易曰理財正辭禁民爲非曰義非義何以主財不慈掌兵賊也不義主財盜也○爾案原本此係皆以大字直書題上並有慈掌兵義主財六字似於前後體例有歧後宋人彥條亦類此皆從改正

古諺古語載籍通引

終身讓車不枉一舍

古今諺

六

惑者知反迷道不遠

仕宦不止車生耳耳車旁聲也古語黃金車斑蘭耳

心誠憐白髮平情不怡艷色媚魯連子

不斑白語道失

白刃交前不顧流矢

堂上不糞除如草不瞻耘

一淵不兩蛟又曰一栖不兩雄又曰兩雄不並栖

井水無大魚新林無長木

林中不賣薪湖上不鬻魚

觸露不招葵日中不翦非爾案此本爾雅異

乳犬攫虎伏雞搏狸

金可作世可度

蘭案風俗通二語可字上俱有不字

白璧不可為容容多後福

左雄

龍不隱鱗鳳不藏羽網羅高懸去將安所將飛者羽伏將奮

者足踴將噬者爪縮將文者且朴

蔡洪一本作將飛者翼伏將奮者足踴將攫者爪縮

將文者且朴伏龍非我馬白日非我燭藏之嘿之保

此元僕伏龍白日二句言時不待人也于古奇句

猛虎不處卑勢勁鷹不立垂枝

蘭案此本魏太尉蔣濟萬機論

中規不密用墜禍辟

鐸以聲自穴膏以明自鑠虎豹之文來射猿狖之捷來摑

上求材臣殘木上求魚臣乾谷

古今諺

充

道關不可復亡狂不可再

無鄉之社易為豕肉無國之稷易為求福

生男如狼猶恐其能生女如鼠猶恐其武

女戒

生男如狼猶恐其能生女如鼠猶恐其虎

貞觀政要

商師若烏周師若荼

鹽鐵論○商用少周用老也詩曰方叔元老克壯其猶

飛矢在上走驛在下

左傳交兵使在其間今語兩國交兵不罪來使

非宅是卜惟鄰是卜

左傳昭三年晏子引注卜良鄰

民保於信

左傳定十五年戲陽速引諺

學而不已闔棺乃止

韓詩外傳引孔子語

居者無載行者無埋

宮覽引齊鄙人諺言生不隱謀死不隱也○蘭案戲陽作繼埋十卷之文

四足之美有鹿兩足之美有鶴詩正義引語

山川而能語葬師食無所肺腑而能語醫師色如土方田山經引相

冢書

妍皮不裹癡骨

福至心靈禍來神昧五代新書

足寒傷心民怨傷國並史炤通鑑疏引

屋漏在上知之在下梁史

峴山張蓋雨滂沛闕駟十州志

室無滯貨不為潤屋

鬻棺者欲歲之疫

古今諺

有病不治常得中醫漢書引諺○爾雅此本藝文志

犴糠及米漢書引語○爾雅史記作舐頰師古漢書注作舐

誰為為之孰令聽之司馬遷引諺

以貧求富農不如工工不如商刺繡文不如倚市門史記引諺

貴易交富易妻爾雅案此本後漢書宋宏傳

作舍道旁三年不成後漢書引諺

關東出相關西出將虞翻傳引諺

射羊數跌不如審發論周仇國論

知星宿衣不覆言多拘忌反貧困也○稽康集

字三寫音魚成魯帝成虎爾雅案此本抱朴子○又字經三鳥局焉成馬此言人之誤書者

力貴實知貴卒齊魯對新語原
狐向穴嗥不祥作力貴突知貴卒

作者不居居者不作

奴見大家心死斛律光傳

使口如鼻終身不失使口如闕終身不殆思無忘忿無辱說苑

毋曰不幸甑終不墜井

錢無耳可聞使魯褒錢神論

仕無中人不如歸田魯褒錢神論

人聞長安樂出門向西笑知肉味美對屠門而嚼檀譚引關東鄙語

縷因針而入不因針而急春秋後語女因媒而嫁不因媒而親

古今諺

三

能理亂絲始可讀詩藝文類聚

家貧不辦素食勿冗不暇草書

其母好者其子抱其母惡者其子釋韓非

錦繡襄邑羅綺朝歌猶今云金臨安銀大理銅茶陵鐵攸縣也

千里不販樵百里不販糴

春雨變夏雨莊子注引言是非究竟愈遠愈訛也

其淵深者其魚美其主賢者其臣惠韓詩外傳

兩國交爭使在其間水火相爭彗鼎在其間不聽不明不能

爲王不疑不聾不能爲公慎子

汝無自譽觀汝作家書典論引諺言作家書質而難也○舉音余

政如水霜好充消凶威如雷霆寇賊不生正部引諺

屠者食藿羹造車者多步行鬻扇之翁手障暑畜妓之夫恆

獨處鄒子○新論同

甘瓜苦蒂物無全美墨子

孤犢觸乳驕子罵母謝承後漢書仇覽傳引諺

父母何在在我庭化我鳴梟哺我生考城鄉邑諺頌仇覽也

左相宣威沙漠右相馳譽丹青三館學士放散五臺令史明

經蘭案大唐新語高宗朝閣立本為右丞相美恪以邊將立功為左丞相又以年饑放國子學生歸又尋詔史通一經時人為之

語云云

首牛入西谷逆犢上齊邱杜臺卿齊識史通云愁山定犢彰於載語是也

古今諺

老吏抱案死劉炫傳

日在雨落翁婆相撲言陰陽不和也宋人小說○蘭案詹曝偶談在作出撲作角風俗通引里語言罷軟之官

縣官漫漫怨死者半反害物也○蘭案怨一作冤

無肥仙人富道士抱朴子

屠者飮藿羹造車者步行梓匠處狹廬陶者用缺罌鬻扇翁

手障暑畜妓之夫恆獨處為者不得用用者不肯為為者不

得用以利動用者不肯為以富寵新論

吳諺楚諺蜀諺滇諺

山擡風雨來海嘯風雨多

早霞紅丟丟响午雨濼濼晚了紅丟丟早晨大日頭官糧辦

便無飯吳諺

樓梯天晒破磚

日出早雨淋腦日出晏晒殺鴈

魚兒秤水面水來涂高岸

水面生青漩天公又作變

蜻蜓高穀子焦蜻蜓低一壩泥

春寒四十五窮漢出來舞窮漢且莫誇且過桐子花反賊劉

千斤賊官姚萬兩一九二九相喚不出手三九二十七籬頭

吹簾築四九三十六夜眠如露宿五九四十五家家堆鹽虎

六九五十四和尚不出寺七九六十三凍落耳朶弦八九七

古今諺

三

十二口中咽暖氣九九八十一窮漢受罪畢纔要伸脚睡蚊
蟲獾蚤出

褒彈是買主喝采是閑人

淮南子刺我行者欲與我
交訾我貨者欲與我市

服藥千裹不如一宵獨卧服藥千朝不如獨卧一宵

戊午己未甲子齊便將七日定天機七日有雨兩月泥七日

無雨兩月灰

甲寅乙卯晴四十五日放光明甲寅乙卯雨四十五日看泥

水

三月三日晴桑上掛銀瓶三月三日雨桑葉生苦苦

壬辰裝擔子癸巳上天堂甲午乙未雨茫茫荒年無六親見

年無鶴神

執破無雨危成當災

高山種小麥終久不成穗男兒在他鄉焉得不憔悴

濕耕澤鋤不如歸去

鋤古音助說文引孟子般人七十而鋤

二月杏花勝可菑沙

菑畚之菑音似載之載

迴車倒馬擲衣不下

言天之密也漢書朱虛侯曰深耕概種擲衣不下所謂概也

蝦蟆鳴燕來睇通道路修溝隄

稼欲孰收欲速

霜淞打霧淞貧兒備飯食

螃蠏怕見漆豆花怕見日

古今諺

布穀鳴小蒜成秋霜足薯臺熟

五月鋒八月耩

鋒鋤也耩壅苗根

槐兔目棗雞口桑蝦蟆眼榆負瘤

李賀詩別柳當馬頭官槐如兔目

榆莢脫桑椹落

伐木之時

花三泡四

水生之候也花見三尺泡四尺

秧苗針水莊家早起

東坡詩針水聞好語管直詩秧針青刺水麥浪綠翻銀

木再花夏有雹李再花秋大霜

草木暉暉蒼黃亂飛

風俗通引諺

殺君馬者路傍兒

言傍人譽馬乘者盡力馳死也

宋人諺見東萊文集其從諺之
改噴目作撤幘非也

焚香禮進士噴目待明經

古今諺

蓋

牧誓引古人言

牝雞無晨牝雞之晨惟家之索

康誥引古人言

人無於水監當於民監

秦誓引古人

民訖自若是多盤責人斯無難

論語引人言

為君難為臣不易

古今諺拾遺卷一

予無樂乎為君唯其言而莫予違也

又引南人言

人而無恆不可以作巫醫

左傳楚子文引古人言 僖七年

知臣莫若君

又衛侯衍引古人言 襄二十六年

非所怨勿怨

又周劉定公引諺 昭元年

老將知而耄及之

又魯謝息引人言 昭七年

雖有挈餅之智不失守器案戰國策新地所引無雖有二字

又鄭子產引諺昭七年

蕞爾國而三世執其政柄其用物也宏矣其取精也多矣

又陳芊尹蓋引先民言哀十五年

無穢虐士虐士死者

周語單襄公引人言

兵在其頸

戰國策莊謂王稽引所聞莊人名也

三人成虎十夫操椎眾口所移毋翼而飛

又蔡澤說應侯引語

古今諺拾遺卷一

二

日中則移月滿則虧物盛則衰

又蔡澤引所聞

鑒於水者見面之容鑒於人者知吉與凶

又燕王謝樂閒書引語

仁不輕絕智不輕怨

史記佞倖傳引諺

力田不如逢年善仕不如遇合

又賈誼傳引鄙諺

前車覆後車誠

又秦始皇紀引野諺

前事之不忘後事之師也

又滑稽傳引諺

相馬失之瘦相士失之貧

東觀漢記陳忠引語

迎新千里送故不出門

又明德馬后引俗語

時無赭澆黃土

後漢書宋宏引所聞

貧賤之交不可忘糟糠之妻不下堂

又朱浮傳引古語

古今諺拾遺卷一

三

中國失禮求之於野

又陳蕃傳引鄙諺

盜不過五女門

三國志魏諸王傳註引諺

貧不學儉卑不學恭

又魏王昶傳引諺

救寒莫如重裘止謗莫如自修

又吳薛綜傳引諺

千金之子坐不垂堂

又吳孫奮傳引里語

明鏡所以照形古事所以知今

晉書劉毅傳引諺

受堯之誅不能稱堯

又劉琨傳引古語

山有猛獸藜藿爲之不採案桓寬鹽鐵論引春秋曰山有虎豹藜藿爲之不採國有賢士邊境

爲之不害

又吐谷渾傳引古語

夏蟲不知冬冰

又祖納傳引古人言

貞良而亡先人之殃酷烈而存先人之勲

古今諺卷一

又魯褒傳引諺

錢無耳可使鬼

又涼張顯傳引諺

野獸入家主人將去

又列女傳引諺

忍辱至三公

又列女傳引諺

雞夜鳴者不利行師犬羣鳴者宮室必空兵動馬驚軍敗不

歸

北史李彪傳引諺

一日不書百事荒蕪

又刑巒傳引俗諺

耕則問田奴絹則問織婢

南史王鎮惡傳引語

猛獸不如羣狐

唐書辛替否傳引古語

福生有基禍生有胎

十國春秋吳越傳論引語

士用則爲虎不用則爲鼠

宋史墨仲衍傳引諺

古今諺拾遺卷一

五

鋤一惡長十善

又王阮傳引古語

千里之行起於足下

又趙葵傳引諺

護家之狗盜賊所惡

遼史宗室傳引諺

偏憐之子不保業難得之婦不主家

金史陳起傳引古語

疑則勿任任則勿疑謀之欲眾斷之欲獨

明史彭時傳引諺

子出多母

韓非子引鄙諺

虜自賣裘而不售士自譽辯而不信

又引宋人語

一雀過弄必得之

又引古諺

知淵中之魚者不祥

又趙文子引用諺云察見淵魚者不祥智料隱逸者殃

風俗通引諺

趙王好大眉人間半額楚王好廣領國人沒項齊王好細腰

後宮有餓死者

古今諺拾遺卷一

六

又引俚語

狐欲渡河無奈尾何

婦死腹悲惟身知之

晏子引所聞

近臣嚙遠臣瘡眾口鑠金

家語引里語

相馬以車相士以居

六韜引諺

天下攘攘皆為利往天下熙熙皆為利來

孔叢子平原君引遺諺

堯舜千鍾孔子百觚子路嗔嗔尚飲十棊

迷異記引漢世古諺

雖有神藥不如少年雖有珠玉不如金錢

龍城錄引俗諺

白日無談人談人則害生昏夜無談鬼談鬼則恠至

金樓子引諺

兩月額千里赤蓋旱之徵也

資暇錄引古諺

借書一啜還書一啜後人因訛為癡又云當作瓶

蠡海錄引諺

古今諺拾遺卷一

七

牛食如澆羊食如燒凡草木經牛啜之餘必重茂經羊啜之餘必悴槁

道旃璣言引諺

忙家不會會家不忙

百戰之後豪傑挺生

人與智長習與性成

聞見近錄引古諺

遲是疾疾是遲

侯鯖錄引諺

力能勝貧謹能勝禍

獨醒雜志引諺

張果老撐鐵船過海

鈍吟雜錄引諺

風潮過了世界在

雞肋編引諺

病從口入禍從口出

案此本晉傳
卒口銘中語

豹隱紀談引諺

夏至未來莫道熱冬至未來莫道寒

北夢瑣言引諺

乘船走馬去死一分

好事不出門惡事行千里

古今諺拾遺卷一

八

小舅小叔相追相逐

蔣子萬機論引諺

學者如牛毛成者如麟角

抱朴子引諺

古人欲達勤誦經今世圖官勉治生

商君書引所聞

疑行無名疑事無功

愚者暗於未成智者見於未萌

桓譚新論引諺

侏儒見一節而長短可知

崔寔政論引里語

州郡記如霹靂得詔書但掛壁

應劭漢官儀引里語

任智不正車生咀

王朗貧饑語引諺

魯班雖巧不能為乞丐者顏

魏武遺令引諺

失晨之雞思補更鳴

曹植令引諺

相門有相將門有將 穀千駑不如養一驥

古今諺拾遺卷一

九

前秦錄苻堅引諺

怒其室而作色於父母

案細鑑無母字

欲人勿知莫若勿為

桓寬鹽鐵論引語

廚有肥肉國有饑民既有肥馬路有餒人

餒音餒

未見君子不知偽臣

五盜執一良人在木惡直繩

貨賂下流猶水之赴下不竭不止

又引世人語

鄙儒不如都士 都美也都者鄙之對也左傳曰鄙鄙有章

又引鄙語

賢者容不辱

又引人言

安者不能恤危飽者不能食饑

荀悅申鑒引語

盜跖不能盜田尺寸

有烏將來張羅待之

王充論衡引語

圖王不成其弊可以霸

王符潛夫論引語

古今諺拾遺卷一

十

人惟舊器惟新昆弟世疏朋友世親

又引諺

曲木惡直繩重罰惡明證

徐幹中論引古語

至德之貴何往不遂至德之榮何往不成

賈誼新書引語

燒燒弗滅炎炎若何萌芽不伐且折斧柯

禍出者禍反

劉向新序引語

愚者暗成事知者見未萌民不可與慮始可與樂成功

彊者善攻而弱者不能守

仁不輕絕智不簡功

劉向說苑引諺

誠無垢思無辱

淮南子引諺

鳥窮則噉獸窮則羶人窮則詐

又引里人諺

烹牛而不鹽敗所為也

烹羹不與鹽不成羹

揚子法言引語

事歷終古以魚為魯

古今諺拾遺卷一

七

傅子引諺

巧詐不如拙誠

干寶搜神記引諺

巧言以免責

又引語

莫言鬼無身杜伯射宣王莫言鬼無形都直訟生人

北征記引古語

視卒如嬰兒可與赴深溪視卒如愛子可與之俱死

山海經引古老語

百無一有百行百窮

城門失火殃及池魚

古有池仲魚城門失火仲魚燒死故諺云云金罍子引古諺云城門失火殃及池魚楚國亡猿禍延林木案此四語乃北齊杜弼徵梁文本之淮南子

天祿閣外史引諺

農勤於朝女勤於宵宵必顧杼朝必望雨

言得時毋怠也

唐趙蕤長短經引諺

浴不必江河要之去垢馬不必騏驥要之善走士不必賢也

要之知道女不必貴種要之貞好

又引語

瓊艘瑤檝無涉川之用金弧玉弦無激矢之能

古今諺拾遺卷一

三

同明者相見同聽者相聞德合則未見而相親聲同則處異而相應

知人未易人未易知

時不與善已獨由之

弄關弧則越人之行自若弱子關弧則慈母入室閉戶

以權力合者權力盡而交疏以色事人者色衰則愛絕

積恩不已天下可使

連雞不俱棲可離而解

不為禍始不為福先

以心度心閒不容鍼

祿薄者不可與人亂賞輕者不可與人難

交接廣而信衰於友爵祿厚而忠衰於君

又引古語

圖王不成弊猶足霸圖霸不成弊將如何

天下嗷嗷新主之資也

窮鼠嚼狸匹夫奔萬乘

禹以夏王桀以夏亡湯以殷王紂以殷亡闔廬以吳戰勝無敵於天下而夫差以見擒於越穆公以秦顯名尊號而二世以劫於望夷

土性勝水掬壤不可以塞河金性勝木寸刃不可以殘林

古今諺拾遺卷一

三

一里之厚而動千里之權者地利也

貴不與驕期而驕自至富不與侈期而侈自來

一棲不兩雄一泉無二蛟

凡人情以同相妬

忠無不報

又引鄙人言

何知仁義已饗其利者爲有德

又注引語

應天以實不以文

言上天不以僞動也

又注引古語

廉士非不愛財取之以道

富能富人者欲貧不可得貴能貴人者欲賤不可得達能達人者欲窮不可得

顏氏家訓教子篇引俗語

教婦初來教兒嬰孩

又治家篇引諺

落索阿姑餐

此其相報也婦人之性率寵子婿而虐兒婦

又勉學篇引諺

積財千萬不如薄伎在身

又省事篇引古人言

古今諺拾遺卷一

古

多為少善不如執一鰻鼠五能不成伎術

又雜藝篇引江南諺

尺牘書疏千里面目

東坡志林引俗諺

下有茯苓上生兔絲

莊子引野語

眾人重利廉士重名賢士尚志聖人貴精

魯定公記引古語

甯得一把五加不用黃金滿甯得一把地榆不用明月寶

珠

商君引語

貌言華也至言實也苦言藥也甘言疾也

左邱明引古諺

符明傳

築室道傍三年不成

詩疏引俗諺

洛鯉伊魴貴於牛羊

詩正義引語

四足之美有庶兩足之美有鷄

湧幢小品引諺

佛面上刮金

嘉靖初用工部侍郎趙璜奏沒入正德末所造諸寺繪鑿佛像刮取二千三十餘兩正合諺語

古今諺拾遺卷一

五

可笑

泊宅編引諺

背無好瘡

言發背治之宜早也

荊州歲時記引諺

臘鼓鳴春草生

丹鉛錄引古語

枇杷黃醫者忙橘子黃醫者藏蘿蔔上場醫者還鄉

言夏多疾冬自

也平

又引諺

將軍大曠騎衛佐小郎官

言曠弱之弊也

若無此輩餓殺此輩

又引俗諺

馬蟻戴籠頭

玉波去四點依舊是王皮

南齊書王敬則傳引語

三十六策走為上計

魏氏春秋曹罔引諺

百足之蟲至死不僵

梁祚魏國統王昶戒子書引諺

知足不辱如不知足則失所欲

古今諺拾遺卷一

宋書顏延之傳引諺

富則盛貧則病

陶潛答龐參軍詩序引諺

數面成親舊

宋呂居仁官箴引諺

忍事敵灾星

王沂公嘗說喫得三斗醪醋方做得宰相蓋言忍受得事也杜詩忍過事堪喜

鑑斷引語

前門拒虎後門進狼

嬾貞子錄引古語

五角六張

謂五日遇角宿六日遇張宿此兩日作事多不成然一年之中不過三四日

升不受斗不毀則覆

康對山武功志引諺

物豐於所聚利竭於所產

陳幾亭外書引諺

實病無良醫

蘄州志序引諺

山大多荆棘國大多奸黠

叙小志引諺

白頭花鈿滿面不若徐妃半粧

案唐摭言蔣凝應宏詞為賦止及四韻頃刻播傳或稱之

古今諺拾遺卷一

一七

云云

女紅餘志引語

欲知齒昔色但請看芙蓉欲知莫愁美但看阿侯容

阿侯莫愁子也

谿山餘話引諺

倖門如鼠穴

國寶新編引諺

瓊玖蚤折白石巖業

辛氏三秦記引語

城南韋杜去天尺五

杜重威引俚語

蓬賊得命更望覆子

太平寰宇記引諺

高粱無上源清泉無下尾

蓋以高粱微涓淺薄裁足津通憑藉涓流方成川剛清泉玉露所在

枝分更為微津散漫難尋故也

酉陽雜俎引古語

三守庚申三尸伏七守庚申七尺滅

佛書引語

停囚長智

赤腳人趁兔著韉人喫肉

埤雅引諺

古今諺拾遺卷一

六

鳩無舌兔無脾

朝野僉載引俗諺

棗子塞鼻孔懸樓閣却種

蟬鳴蛭螻喚黍種饑糜斷

唐中宗引諺

全唐詩景龍三年十一月十三日乙丑冬至時有請改就十二月甲子為吉者侍御

史唐紹太史令傅忠孝引歷爭帝引諺以為不可竟從紹等議

冬至長於歲

賈言忠引諺

又高宗遣李勣伐高麗侍御史賈言忠計事還帝問軍中云何言忠以為男生兄弟

鬪墻為我鄉導師必克引此

軍無媒中道回一作賊無懸底中道回

李勣別張文瓘引諺

千里相送終於一別

路勵行引諺

啟顏錄

一人在朝百人綬帶

郝南容引諺

朝野僉載

三公後出死狗

婁師德引諺

全唐詩一

卒客無卒主人

張果引諺

又明皇欲以玉真公主降果果先知之引此以辭

娶婦得公主平地生公府

古今諺拾遺卷一

九

宋守敬引諺

又守敬清謹老任龍門丞竟登岳牧每勉人但守清勿真不遷引此云仕宦亦無休

也勢

雙陸無休勢

唐代宗引諺

通鑑郭曖與昇平公主嘗與爭言子儀囚曖待罪帝引諺云

不癡不聾不作家翁

家音姑

李振引諺

全唐詩

百歲奴事三歲主

李哲家恠引諺

又

一雞死一雞鳴

王彥章引諺

五代史

人死留名豹死留皮

奚囊橘柚引語

欲知女子強轉臭得成香

女香草出繁縷婦女佩之則香男子佩之則臭昔海上有丈夫拾得

此香嫌其臭棄之有女子拾去其人跡之香甚欲奪之女子疾去其人遂之不及乃止呂氏春秋云海上有逐臭之夫疑

即此

船窗夜話引諺

要死食蛇毒

謂蛇瘳草食之殺人也

順昌谷道人種語

大風先倒無根樹傷寒偏死下虛人

王恬智語

古今諺拾遺卷一

三

犯色傷寒猶易治傷寒犯色最難醫

臨海異物志引諺

人甯負人干石之羹不願負人猴頭羹腫

安家夷皆好敢猪頭羹

甯去累世田宅不去鯨魚額

鯨魚炙食甚美

樂亭 史夢蘭 香厓輯

得意失意語

古諺閒譚舊傳有俚語四句頌得意者云云好事者續以失意者四句云云可喜可

悲之狀溢於言外

久旱逢甘雨他鄉遇故知洞房花燭夜金榜挂名時

寡婦攜兒泣將軍被敵擒失恩宮女面下第舉人心

吏部舊語

全唐詩吏部故事放長勝舊語云

長名以前選人屬侍郎長名以後侍郎屬選人

省中語

唐國史補則官故事吏部郎中二廳先小銓次格式員外郎二廳先南曹次廢置刑部分四覆

戶部分兩賦其制尙矣舊說吏部爲省眼禮部爲南省舍人考功度支爲振行比部得廊下食以飯從者

古今諺拾遺卷二

一

號比盤二十四曹呼左右司爲都公省中語云

後行祠屯不博中行都門中行禮部

一作刑戶

不博前行駕庫

郎吏語

全唐詩尙書郎吏兵部爲前行司門都比屯田虞水膳部主客皆在後行閑簡無事語曰

司門水部入省不數

諫院臺省語

唐國史補諫院以章疏之故憂患略同臺中則務糺舉省中多事旨趣不一故言云

遺補相惜御史相憎郎官相輕

御史臺語

全唐詩御史故事監察院長與同院禮隔語云

事長如事端

臺中諺

又殿中侍御史新入知右巡已次知左巡所主繁劇及遷向上則又入推益爲勞屑惟其中間

則入清閑故

免巡未推只得自知

京兆府語又京兆府兩縣引馬到府門傳門而報兩尹入廳大尹亦到廳不得候兩尹坐後出不得

候兩尹立後出

不立兩縣令不坐兩少尹

翰林諫議語又唐稱翰林為坡諫議大夫亦稱坡諫議大夫班本在給舍上其遷轉則諫議歲滿

方遷給事中自給事中遷舍人故當時語云

饒道斗上坡去亦須却下坡來

舉子語又舉子七月後即於諸州拔解人為語曰

槐花黃舉子忙

明經進士語唐王定保摭言進士科始於隋大業中盛於貞觀縉紳雖位極人臣不由進士者終

古人諺拾遺卷二

一一

不為美歲貢常八九百人

三十老明經五十少進士言其艱難也

詞臣諺談苑文宗尤重內外制之任嘗謂近臣曰詞臣之選古今猶重朕聞朝廷除一舍人六親相賀

諺以為一佛出世豈容易哉見葉廷珪海錄碎事

一佛出世

汴京曹吏語委巷叢談自元豐制尚書省復二十四曹繁簡絕異在汴京時有語云云及駕幸臨

安喪亂之後士大夫亡失告身批書者多又軍賞百倍平時賄賂公行冒濫相乘軍饑日滋賦斂愈繁而

刑獄亦眾故吏戶刑三曹吏胥人人富饒宅曹寂寞彌甚吏輩又為之語云云

吏勳封考筆頭不倒戶度金倉日夜窮忙禮祠主膳不識判

視兵職駕庫典了發誇刑都此門總是冤魂工屯虞水白且

見鬼

臨安曹吏語

吏勳封考三婆兩嫂戶度金倉細酒肥羊禮祠主膳啖糞吃
麩兵職鴛庫敵薑呷醋刑都北門人肉餛飩工屯虞水生成
餓鬼

兵部四司語

春風堂隨筆今世官司各有俚語以腐譏
評如在京兵部四司云云聞他衙門尚多

惜不得
其詳

武選武選多恩多怨職方職方最窮最忙車駕車駕不上不
下武庫武庫又閒又富

知縣諺鐫廟
隨筆

古今諺拾遺卷二

三

前生不善今生知縣前生作惡知縣附郭惡貫滿盈附郭有
城

甯茵事諺

全唐詩 案徐巖物怪錄甯茵作甯茵
此諺乃班寅將軍所引班寅虎怪也

鴛鴦樹上鳴意在麻子地一作意在
麻倉裏

鷓鴣諺又

鷓鴣不打腳下塘

鷓鴣能沒水捕魚栖宿之
處雖水深魚多未嘗犯

鹽鐵諺

又唐世鹽鐵轉運使在揚州盡筦利權商賈
如織天下之盛揚為首而蜀次之故諺曰

揚一益二

內經真諺

子欲夜書富修帶居眉後小穴中為上元六合之府王化生
居如雲梯七長未徹重保誠曰

真人坐起之上道
一名曰真人常居

相書諺 張景藏論婦人相引諺云

自有四白五夫守宅

心相諺 青箱雜記

有心無相相逐心生有相無心相隨心滅

太平酒諺

真誥楊羲夢遊蓬萊山會蓬萊仙公洛廣休既下山半見許主簿相逢於夾石之間公語主簿曰吾為汝置酒四升在山上可往飲之此太平家酒治人腸也諺云

欲得長生飲太平

馬肝石語

郭憲別國洞冥記云鼎五年到支國貢馬肝石服之彌年不飢渴是時公卿語云

不用作方伯惟須馬肝石

古今諺拾遺卷二

黃虵珠語

同上

甯失千里駒不失黃虵珠

風聲木語

同上

年未半枝不汗

此木五千年一涇萬年不枯

龜黃語

同上

夜未央待龜黃

龍爪薤語

同上

薤和膏身生毛

烏哀國有龍爪薤煎之有膏以和紫桂為丸服一粒千歲不飢

飲酒諺

魏書高允傳

其益如膏其損如刀

桃棗諺

杖策插桃桃得食扶行栽棗棗難嘗

桃橘諺

曲洧舊聞諺云云言桃易實可待橘實遲不可待

頭有二毛好種桃立不踰膝好種橘

錢古語

實耳錄

少則樂無則憂多則累

牢收長物金三品密寫虛名墨一行

須知世上金銀寶借汝閒看六十年

饒君且恁埋藏卻曉有人會作主來

枸杞諺

致虛奇書

古今諺拾遺卷二

五

去家千里勿食枸杞

種竹諺

羣芳譜

種竹無時雨過便移多留宿土記取南枝

樹介諺

周櫟園書影

樹若稼三公怕

以為應在貴臣也○段舊唐書五行志開元二十九年十一月二十九日雨木冰疑凍裂

數日不見甯王見而歎曰諺云樹木稼達官怕必有大臣當之其月王薨

河豚諺

爾雅羣觀今之河豚率以冬至後來每三頭相從號為一部諺云云言烹和所用多也

得一部典一袴

立夏諺

平池說林立夏日俗尚啖李時人語云

立夏得食李能令顏色美

朝生暮孫

專狐神諺

朝野僉載唐初以來百姓多事狐神當時有諺云

無狐魅不成村

粵諺
屈大均廣東新語

半北半南三二月南風過夜必端陽

海南三四月時晝有南風夜則無之至五月乃

有過
夜南

潮長風起潮平風止

朝北暮南子夜東

朝三暮七晝不過一

古今諺拾遺卷二

六

六月無間北

凡六月有北風必作颶以上三條謂颶風也

春寒春暖春煖春寒

一春之寒煖以立春卜也

春晴一春晴春陰一春陰

下白雨娶龍女

凡天晴暴雨忽作日白撞雨亦曰白雨

早禾壯須白撞

冬乾年濕禾米莫粒

瓊冬至宜雨

乾冬濕年禾黍滿田

廣冬至不宜雨

冬濕年乾倉廩團團

瓊元日宜晴

年濕冬乾農夫加餐

廣元日宜微雨

勤下糞不如早犁田

粵無米歲有微霜則百物茂盛諺所云言打霜也

六月六白雨足 粵在天南多白雨白雨在北則爲暑
雷在南則爲白雨白雨盛夏益多

七風八到九日無來風過造

朝三晚七半夜下風無過日 風之始發恆以月七八之日及
蚤暮二時過此卽甚暴烈多不

朝終

鹹水清淡水濁鹹水滿洋不如淡水一掬 言淡者雖濁而可
食也凡海水秋冬

鹹而春夏淡鹹
則益清見底

海水莫熱禾穀將結海水其涼禾穀登場 瓊州以海水占年
凡海水熱則荒

水消水上灘水長水下灘 甘竹灘在順德南四十里凡灘水
皆一流而甘竹灘兩流潮長則水

滿而下灘潮消
則水乾而上灘

初一十五水上日午初九二十三水大牛歸欄 言廣州裏
海潮候也

古今謠拾遺卷二

七

蓬萊一山合於羅山東武一石附於韶石 韶石東北一里有
逃石高三十餘丈

相傳自武城逃
來與韶石相麗

廣西有一留人石廣東有一望夫山 留人石在南甯江北岸
狀如女子廣東之賈多

贅於廣西而不返其怨婦皆
以此石留人西望而詛祝之

上海人下海神 言以海神
爲命也

女忌緣郎男忌紅娘 廣州女子年及笄多有犯緣郎以死者
男子未娶亦多犯紅娘以死皆婚姻不

及其時
所致

好禾不過降 言至霜降
而畢獲也

冬不藏菜 廣中隆冬時常得鮮
蔬故人家絕少藏菹

物賤銀貴無錢可替 商賈多運銀而出所
於東粵者無幾

濶蚌之胎有玫瑰文鮓之腹有美玉文鮓州加羅

文鮓鳴美玉生高州海中有文鮓

六月六黏子熟倒捻子果名一名黏子
款以為酒色紅味甘

鐵船紙人紙船鐵人

廣州大艨艟使得兩頭風輸一篷贏一篷橫行曰輸 直行曰贏

後八字風揚篷當中前八字風勾篷西東每艦有二篷風止 曰八字八字風在

後則正在 前則橫

過得牯牛舟子白頭韶州水急至險 者為牯牛灘

行過牯牛五石灘寄書歸去報平安

未闕龍船先闕龍歌欲求錢帛中字須多瓊人重龍船四月 八日雕木為龍置

古今諺拾遺卷二

於廟唱龍歌迎之五月之朔至四日乃以次迎龍主人先為龍歌包以繡帕置龍前其歌詞不可見止歌末一字可見諸客度韻奏歌能中帕中歌字多者得醜物多

族有布衣墳繁昌必有聞宋有厲布衣者善相墳地今廣州 故家大族之祖墳多布衣所定穴

嬰兒瘦探石殼石燕產西樵巖穴中大如乳燕足 生翼未山人小兒羸瘦取食之

天雞知日潮雞知潮羅浮有天雞天雞者 碧雞也日出時先鳴

家有竹雞啼白蟻化為泥竹雞形如鷓鴣性好啼 啼曰泥滑滑白蟻畏之

老薑蒸牛子薑炒鴨當盛夏時廣人多以此 薑炒子鴨苴薑子薑也

秋冬食麩春夏食羊麩以釀酒羊以為糧

甯為番狗莫作鬼奴壕鏡澳多產番狗矮而 小毛若獅子番人貴之

朝為泡魚暮為膏豬朝為懶婦暮為奔婢刺婦女之不能服 勤者也筋豬本也

魚所化其毫如蒿亦曰蒿豬一名嫗婦多食禾稻以機曲織之器置田間則不敢近齒長輒入海化為巨魚名曰奔鯢網魚得鮓不如啗茹言不美也

鮓魚頭鯉魚尾鮓魚之腹甘且吉

水給土鯽病人宜食給浮鯽沉可以滋陰

第一鱸第二網第三第四馬膏鯽

黃白二花味勝南嘉謂黃花魚白花魚也

寒鱖熱鱖鱖冬肥鱖夏肥

黃花不上雙魚石三鰲不上銅鼓灘三鰲者鰲也

北江魚種讓西江

下流魚花上流魚魚花魚秧也

古今諺拾遺卷二

九

上江魚放下江花

魚生犬肉糜扶旺不扶衰

冬至魚生夏至犬肉

九江估客魚種為先左手數魚右手數錢廣州九江鄉多以池沼養魚為業

龍川不可往矜魚不可養

一鱸二鰻鰻體圓名鏡魚

香山鱸雌長雄幼雌大常負其雄

水湖蛎食鹽解蛎蛤屬

蟾蜍蛤蛎三者形狀相似而廣州人惟食蛤不食蟾蜍蛎惟潮州人食之故名曰潮州蛎

今年白蜆多蛋家銀滿釜

田雞聲啞田好稻把田雞聲響田好蕩漿蛤生田間名田雞三月三日農以其

聲下
水旱

霜蟹雪羸味不在多

羸饑蜺肥年豐則蜺多凶則沙羸多

饑羸飽蜺

湖上漁家白飯丹蝦丹蝦產惠州西湖絕鮮美白飯者水晶魚也長不盈寸

爾有垣牆我有火秧火秧叢生成樹四稜有芒刺廣人以作籬落

東家白蠟蟲西家黃蠟蜂養蜂得蜜食養蟲得燭紅

荔枝惜花龍眼惜子

荔枝十花一子龍眼一花十子

古今諺拾遺卷二

十

荔枝宜肥龍眼宜確

當日荔枝背日龍眼

檳榔為酒桃椰為飯

桃李爭秋瓊州有李桃一枝有紅白或一花有紅白八九月時與桃花盛開

饑食荔枝飽食黃皮黃皮果狀如金彈六月熟白蠟子與黃皮相似其味尤勝

黃皮白蠟甜酸相雜

南花宜暖北花宜寒

六月六日種茉莉雙瓣重臺香撲鼻

油葵蓑蒲葵笠朝出風乾暮歸雨濕

只賣葉休賣花花貧葉富一葵成家

蒲葵爲扇油葵實家種二葵得利多

海南多陽一木五香

南薤西芹菜茹之珍

在田薑多映在山薑多辣

欲得小兒安多食使君子能治蟲一名留求子廣東多有之

多食馬蘭少食芥藍芥蘭葉如芥以微藍故又名芥藍

毋佩睡蓮使人好眠睡蓮葉如荷而大花有五色當夏晝開夜縮入水底晝復出也

風病須風菜肇慶七星巖出風藥治風病一曰風艸亦曰風菜

欲速死請二子瓊州有牛心茄子一核者入口即死兩核者可以薑清解之

東路檳榔西路米糲瓊州東路地瘠朕壤多在西

古今諺拾遺卷二

十一

閩諺碑海紀遊

六月一雷止三脫七月一雷九脫來六月有雷則無脫

雨前濛濛終不雨雨後濛濛終不晴

火燒薄暮天

又黃石在清流縣東爲邑水口水漲石沒則舟難行

黃石蓋頭十箇稍公九箇愁

又赤嵌筆談

冬山頭春海口春日晚觀西冬日晚觀東有黑雲起主雨

閩語閩語

山食鴈鴉鷹海食馬餒鷄

北諺通旂藥言大同婦人多美豐宣府教場東西幾十里南北二十里蔚州城磨磚所砌朔州近山易採木市房簷廊今頗頽頽語云云亦不誣也

大同婆娘蔚州城墻宣府教場朔州營房

蜀諺明詩綜

灑潁昌頂黑石下井

杭諺委巷叢談曹元寵題村學堂圖云此老方捫蝨眾雛爭附火想當訓誨問都平丈我語雖調笑曲盡社師之狀杭諺言社師讀論語郁平文哉詎為

都都平丈我委巷之童習而不悟一日宿儒到社中

為正其訛學童皆駭散時人為之語云云曹詩蓋取此也

都都平丈我學生滿堂坐郁平文哉學生都不來

又委巷叢談杭俗浮誕輕譽而苟毀道聽塗說無復裁量故諺云

古今諺拾遺卷二

三

杭州風會撮空好合万立一宗

杭州風一把葱花簇簇裏頭空

吳諺平江記事大德丁未吳中蟹厄如蝗稻穀蕩盡吳諺云云正謂此也

蝦荒蟹亂

又陳幾亭外書

宰相腹可行艱

盜無脚竊不著

欲要長觀後養

又范石湖詩集注謂立秋日雷也

秋亭輓損萬斛

又明詩
綜

南道如虎升官半府

又豁然齋
視聽抄

正月逢三亥湖田變成海

又吳中諺
明詩
綜

有利無利但看二月十二
花朝日晴則百果多實

三月溝底白莎草變成麥
三月無雨麥乃有收

六月不熱五穀不結

除夜犬不吠新年無疫癘
除夜惡犬噪新年多火盜

公私作鬧驚動閭里者村中來年必有橫事見風土記

古今諺拾遺卷二

三

浙諺雞肋編越州在鑑湖之中繞以秦望山而魚薪難得故諺云云里俗頗以為諱

有山無木有水無魚有人無義地無三尺土人無十日歡

蘇杭兩浙春寒秋熱對面厮啜背地厮說

雨衣便寒晴便熱不論春夏與秋冬

又後山談叢浙西地下積水故春夏厥雨諺云

夏早修倉秋旱離鄉

又西野雜記錢塘江有子午潮不爽如過夷亭則狀元出故諺云

潮過夷亭出狀元

穎諺後山談叢穎諺云云夏中候黃鹵不鳴則蕎麥可廣種也

苦黃鹵禁口蕎麥斗

南海俗諺池異記凡珠有龍珠龍所吐者蛇珠蛇所吐者南海俗諺云云言蛇珠賤也

越人諺區

種千頭木奴不如一龍珠

東海島古語又東海島龍川穆天子養八駿處也有草名龍芻馬食之一日千里古語云

一株龍芻化為龍駒

楚諺荆州記枝江縣西至上明東及江津其中有九十九洲楚諺云

州不滿百故不出王者

員莊諺蜀萱篋員半千莊在焦戴川北枕白鹿原蓮塘竹徑茶醺架海棠洞會景堂花塢藥畦碾磨麻

稻蘆陸麟
次里諺曰

二人諺拾遺卷二

上有天堂下有員莊

澠池語風俗通

東轂西轂澠池所高

丹徒諺全唐詩吳多產出可躡生自奉養丹徒土堅緊如蠟可葬

生東吳死丹徒

湖州里諺西吳枝乘唐末五代天下皆被兵獨湖州獲免其時語云

放爾生放爾命放爾湖州做百姓

益陽諺全唐詩益陽去長沙三百里縣治東望時見長沙城郭人物影其土諺曰

長沙益陽一時相印

昭潭諺又昭潭山下有潛穴通洞庭水來不測諺云

昭潭無底橘洲浮

江右四郡諺

鈞袁顛吉腦後插筆言好

徐聞諺又徐聞縣冬耕夏收名再熟彼中諺云

欲拔貧詣徐聞

荆棺峽諺又峽壁有棺以荆爲之相傳人有九子不能葬女編荆爲棺皮之此土人諺云

九子不葬父一女打荆棺

南中諺

秋收稻夏收頭謂婦人截髮而貨歲以爲常也

雒谷諺又雒谷中有地名州認洞皆難行故諺云

古今諺拾遺卷二

五

總洞入黃泉

鬼門關諺又容州北流縣南三十里有兩石對立遷論至此者罕得生還俗號鬼門關唐諺云

鬼門關十人去九不還

建安語又成都距長安才二千里每歲隨計求名者甚鮮建安之貢無歲無之故曰

龍門一半在閩川

江陵語又江陵在唐世號衣冠藪澤時人稱云

琵琶多於飯甑措大多於鮑魚

汾晉閒語

欲作千箱主問取黃金母謂多稼厚畜耕土所致也

秦中兒童語又顛當窠深如網網絲其中土蓋與地平大如榆葉常仰掉其蓋伺蛭蟻過

益捕之纜入復閉與地一色並無絲隙可尋其形似蜘蛛爾雅謂之王蛛蜴鬼谷子謂之蚌母素中兒童曰語

顛堂牢守門蟻踰寇汝無處奔蟻踰卽螺贏銜蟲子祝之化爲巳子

滄洲語杜陽雜編滄洲去中國數萬里有金蓮花洲人研之如泥以間彩繪與真金無異又有金莖花

其花似蝶每微風至則搖蕩如飛婦人采爲首飾有語曰

不戴全莖花不得到仙家案全唐詩引此作金蓮花

蜀里諺法苑珠林葛由蜀羗人能刻木爲羊賣之一旦乘羊入蜀城蜀之豪貴或隨之上綏山綏山高峻在峨眉之西隨者皆得道不復還故里語云

得綏山一桃雖不能仙亦足以豪

蘇湖二州語衣冠盛事咸通末鄭渾之爲蘇州錄事談錄爲婁院官鍾輻爲院巡時湖州牧李超

趙蒙相次俱狀元二郡地土相接時爲語云

湖接兩頭蘇連三尾

三門諺全唐詩唐時漕經底柱入三門每雇平陸人爲門匠執標指麾一舟百目乃能上覆者幾半故諺云云謂

皆溺死也

古無門匠墓

冀州諺隋書地理志冀州古堯都也其聲悲歌慷慨椎剽掘冢亦自古之所患焉前諺云云實齊此也

仕宦不偶遇冀部

齊人諺酉陽雜俎臨濟有妬婦津婦人渡此津者皆壞衣枉粧然後敢濟不爾風波暴發醜婦雖粧飾而渡其神亦不妬也故齊人諺云

欲求好婦立在津口婦人水傍好醜自彰

武夷諺

明詩
線

一曲一灣一灣一灘

泉州語

又

洛陽橋一望四里皆瑤瑤

吳中下里曲

楊園
齊筆

消梨應郎心上冷甘蔗應郎心上甜

羅希十二摺小妻也是妾

淮南諺

老學菴筆記淮南諺曰雞寒上樹鴨寒下背驗之皆不然有一媪云上距謂縮一足下背謂藏

其味於

翼間

雞寒上距鴨寒下背

古今諺拾遺卷二

七

京口諺

周必大泛舟遊山錄

金山屋裏山焦山山裏屋

俞塘諺

許尚華亭百詠注俞塘在府東五里往來之舟皆可揚帆

雖有珠千斛不賣俞塘北

射的山諺

水經注射的山名土人以驗年之豐不

射的白斛米百射的半斛米千

廣州諺

廣東通志潯洋山在廣州府新甯縣其左有仙妹峰世傳仙女劉三妹所居諺云云皆以絕技

名也蓋三妹善詭不嫁修道於此遂仙去云

好唱莫如劉三妹好打莫如朱光卿

又

石灣瓦勝天下

秦嶺諺

河南通志秦嶺在陝州關鄉縣南起自秦隴

秦頭號尾太華相連

忻州諺

山西通志蝦蟆石在忻州諺云

水泮蝦蟆石水湮正定府

苦泉諺

元和志苦泉在朔邑縣西北三十里許其水鹹苦羊飲之肥故諺云

苦泉羊浴水漿

巍山諺

陝西通志巍山在同州府韓城縣西南諺云云地勢可知矣

華山高只值巍山腰

姑蘇語

三餘帖姑蘇城中街衢潔淨為天下第一古語云

古今諺拾遺卷二

文

蘇城街雨後著繡鞋

廬山語

能改齋漫錄廬山簡寂觀乃陸修靜之居也出苦筍而味反甜歸宗寺造鹽齋而味反淡山中

佳物也

簡寂觀前甜苦筍歸宗寺裏淡鹽齋

滇中諺

明諺綜

山蠻不落葉地蠻湯自熱

吳中里語

和搗編

等人易得久曠人易得醜

滇黔諺

滇行紀略滇省多風皆西南風舊志云

雨師好黔風伯好滇

方山諺 江西通志方山在贛州府興國縣東北四十里山頂如雲城中輒雨

方山戴笠滿街著屐

迎山諺 湖廣通志迎山在黃州府羅田縣諺云云謂其迎雨也

迎山雲起大雨千里

長沙古語 夷堅志駝嘴者山也其形似之在州北正直水口迨丙午夏駝嘴中斷為雨不一歲而王

南強應之

駝嘴斷狀元出

太白山諺 唐鄆縣志有太白山

武功太白去天三百

黔中諺 明詩緣

古今諺拾遺卷二

四月八東綬賜

九月重陽移火進房

萬安上灘諺 反

一灘高一丈南安在天上

巴陵諺 潛居錄巴陵鴉不畏人除夕婦女各取一隻以米果食之元日各以五色縷繫於鴉頸放之視

其方向卜一歲吉凶

鴉子東興女紅鴉子西喜事臨鴉子南利桑蠶鴉子北織作

息

粵西諺 雍正七年廣西學政衛昌績奏稱粵西民情畏鄉紳如虎畏士子如狼故俗有舉人閣老秀才

尚書之語其畏官長也不如畏紳士故俗有官如河水流紳如石頭在之語

舉人關老秀才尚書

官如河水流神衿石頭在

潮州諺

正月酒家家有

甘肅諺

合水只喝水兩當不可當莫言崇信苦還有鞏昌漳蓋言四邑之苦

江南諺

長腰粳米縮項編魚

豫章諺

古今諺拾遺卷二

三

時來風送滕王閣運去雷轟薦福碑紀賈事也

廬陵諺

若要事成全果老撐鐵船言難遇也廬陵楊元果於紹興初為舉子時夢人告之曰子欲及第

除是撞着張果老撐鐵船果疑為不中一日於古剎見壁間畫題云張果老撐鐵船果喜以為符夢矣揭曉果中

江南里諺蘇軾仇池筆記江南人好作盤遊飯餅脯餠

烹之名谷董羹詩人陸道士出一聯云投膠谷董羹鍋內掘箸遊盤飯盃中

掘得箸子羅浮穎老

貴州諺

黃平鐵輿隆雪

福州諺福建通志

水浸方山鼻不沒獅子耳下洞江中有獅子石與方山對峙巨浸不沒

三山藏三山現三山不可見城中有九山

湯嶺兜比嶺頭言險也

佛子灘福建通志延平府沙縣佛子灘一名田仔灘中流一巨石狀如蟾蜍相傳每遇暴漲有二

小豎格鬪石上篙師見之舟往往弱於河汛後有異人經此繪金仙像於石其怪遂滅上書佛子灘三字

行舟以見金佛為候諺云

水浸佛肩不敢行船水浸佛足舟行宜速

桂林諺

鳥不過靈川桂林府有北障山在靈川縣北每風颭起則飛鳥回旋不能度

謝花頂上雪陰陰旱風作怪農人噴謝花頂上明淨淨三日

古今諺拾遺卷二

三

卽雨農人慶桂林府全州謝花峯歲早於此為驗

商河七十二窪諺

十年九不收一收勝十秋商河有七十二窪遇豐倍收遇潦則一苗不遺

鼓山諺譏轉通志磁州鼓山有石二所若鼓形南北相當諺云

南鼓北鼓相去十五

南宮諺南宮縣治在飛鳳岡諺云

舊城卧牛新城飛鳳

柳州諺明一統志柳州有五蓋山鄉人每歲以雪占年諺云

五蓋雪普米賤如土雪若不均米貴如銀

肇慶諺廣東肇慶府陽春縣有射木山一名雲靈山雪暮其上則雨開則霽諺云

晴不晴看雲靈

廣西諺

益有一斗米莫拆藤峽水囊有一陌錢莫上府江船藤峽徑府江三

百餘里以刀山為中界力山之人以毒藥傅弩矢中者立斃故能東助府江西援藤峽

石鼓鳴盜賊興平樂府永安州石鼓山頂有大石如鼓遇寇變則自鳴州人每以為驗

出門莫問天但看晒袍山平樂府恭城縣有晒袍山雲出即雨春夏草碧為綠袍秋冬野燒後

為青袍殊驗

潮州古諺

饒平縣有鳳凰山古諺云

鳳凰山嘯西湖平代代出公卿

大竹路諺

玉堂閒話興元之南有大竹路通于巴州其絕頂謂之孤雲兩角彼中諺云

古今諺拾遺卷二

三

孤雲兩角去天一握

洛中舊語

書邊錄洛中耆舊言伊洛水六十年一泛溢自祥符至熙甯中福善坡以北率被昏墊坡

下惟福善坡不及城外惟長夏門不及洛中故有語云云至此乃知水讖不苟云

長夏門外有莊福善坡頭有宅

燕人諺

明詩綜

過了八達嶺征衣添一領

北地諺

駱駝見柳渴羗見酒

清江諺

江西詩徵清江西鄉沙田時旱時澇有諺云

五夜月明常叫早一聲雷響便撐船

上高諺又上高裏陂受蒙末二水之流其勢衝激難成易壞蔭田可四十五頃蓋利之最溥者有諺云

若要上高米價平除是作得裏陂成

廣信造紙諺又廣信諸邑多產紙造作之工甚繁瑣有諺云

片紙非容易措手七十二

蘆洲諺又臨江蘆洲地當孔道春夏間水泛則洲宛在水中對岸為善嘉洲沿洲而轉人不病涉有諺云

云

蘆洲對善洲江水兩分流

春洞諺又瑞州碧落山有洞每遇立春陽氣吹灰出外人以鵝鴨羽試之輒軒舞而出諺云

袁州更鼓瑞州春

松湖諺又南城松湖一名上湖湖涯際聚居二百餘家有諺云

古今諺拾遺卷二

三

湖水繞村曲里中科第續

袁州語又彭仇湛賁俱袁州人仇妻湛姨也仇舉進士及第湛猶為縣吏妻族為仇置賀宴飯湛於後

閨妻忿然責之湛感而勤學數年登第仇方遊郊外聞報失聲墜驢袁人為之語云

湛賁及第彭仇落驢

簫峰里語又簫峯有亭祠簫史弄玉峯為西山最高處此峯雲則眾山兩矣里人為之語云

簫仙戴笠鳳凰翅濕簫仙著衣烏雀淋瀝

洪邁對孝宗語又宋孝宗問洪容齋饒州產何物洪對云

沙地馬蹄驚雪天生尾狸

周必大對孝宗語又孝宗問周益公吉州產何物周對云

金柑玉版筍銀杏水精蔥

